



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Pace Civili Inter Imperii Ordines
Religione Dissidentes Perpetuo Conservanda Libri Duo**

Conring, Hermann

Francofurti ; Lipsiae ; Wittebergae, 1680

Ratio II Pax ejusmodi infert in juriam Creatori & verae Religioni.

urn:nbn:de:hbz:466:1-9585

S.Th. 2.2. q. 10. art. 3. docent Theologi. Etsi, quia hoc malum familiare est & majorem Imperii partem occupat, id non æstimamus.

Hujus actionis criminosa participationem induci, si defensio patrocinium & auxilium hæreticis promittitur, manifestum est.

Expulsio Catholicæ Religionis & Catholicorum ex bonis & iuribus legitime recuperatis, in Pace Religionis quidem non continetur, sed novæ Amnistiae hunc sensum affingere volunt aliqui: ut videlicet Monasteria, Ecclesiæ, ditiones hæreticis per hosce annos legitime eruptæ iisdem restituantur, id est, recuperata prædonibus. Qui si ipsi rursus ea raperent, fieri debet, quod impediri non posset; si autem Cæsar & Catholici id decernant & re ipsa præsent vel adjuvent, actionis illicitæ & criminosa vel maxime participes sunt. Atque ex his posterior quoq; modus directæ cooperationis intelligitur.

RATIO II.

*PAX ejusmodi infert injuriam Creatori,
et veræ Religioni.*

Duplici id argumento probamus. Primo ejusmodi PAX cooperatur hæresi, quæ tota ex injuriis & blasphemias in Deum, Sanctos, veram Ecclesiam & Sacra menta constat. Cooperari autem injuriis Creatotis & veræ Religionis, est illarum reum se facere, quoniam quæ italia agunt, digni sunt morte; non solum qui ea faciunt, sed etiam qui consentiunt facientibus. Rom. I. v. 32. vide sect. 3. n. 2. Qualis vero sit hæc cooperatio, dictum est RAT. I.

Secundo PAX hæc præter injuriam cooperationis, aliam quoque specialem Creatori & Religioni infert, dum hæresin veræ fidei exæquat.

1. In dignitate illæsa famæ; detracta enim hæresi infamia, Hæreticos & Apostatas in ordinem hominum honestorum recipit, art. I. 5. & II. Quantumvis infames fecerit Christus, Matth,

Matth. 18 v.17 : *Si autem Ecclesiam non audierit sicut Ethnicus & Publicanus, conspirante Jure utroq; Canonico & Civi- li. Fac simili Pace infamiam detrahi Magiæ & Sodomiaæ, & ex- cusa scelus, si potes.*

II. *In libertate profitendi*, quæ non solum Principibus, sed omnibus omnino, Laicis & Ecclesiasticis, conceditur, art. 1.5.11; & eosque se extendit, ut sicut tota Germania Catholica fuit ac esse deberet, ita per regulam, alti scilicet meri Imperii, ad hæresin tota facile queat traduci. Vnde apparet: *Catholicam Religionem, in Imperio non esse amplius præceptam, sed instar hæresis solum tolerari.* Quæ est insignis contumelia juris divini, & vera fidei, *sine quâ impossibile est Deo placere.* Heb. 11 v. 6 Merito Cardinalis Hosius, Paulo IV Pontifici querenti, quid sentiret de Pace Religionis, respondit: *Jam quod in ea Constitu- tione scribitur, liberum esse cuique debere, integra fama, fide- que sua se ab Ecclesia Dei separare: quid hoc est aliud, quam sacrilegium schismatis approbare?* uti refert Antonius Posse- vinus in Epist. ad Stephanum Poloniæ Regem, similem Pacem eidem dissuadens.

III. *In defensione*; æque enim se defensurum eos qui sunt hæreticæ, atque eos qui sunt Catholicæ Confessionis, & eosdem utroque loco habiturum, una cum aliis Catholicis, pro- misit Cæsar, art.17. Idemque mandatur Judicibus Cameræ Imperialis, art.18. *Qua in re esse gravius erratum, quam ut vero sermone explicari queat,* respondit eidem Pontifici idem Cardinalis. Non minus enim illicite promittitur defensio & patro- cinium hæresi, quam Magiæ, Sodomiaæ, aliisque sceleribus.

IV. *In perpetuitate*; quam propriam Ecclesiæ Catholicæ prærogativam PAX Religionis communem facit cum hæresi, perpetuam ei libertatem pacificando, contra hæresium natu- ram, quæ ut cito oriuntur, ita facile occidunt.

Væ vobis, qui dicitis malum bonum, & bonum malum, ponentes tenebras lucem, & lucem tenebras; ponentes amarum in dulce, & dulce in amarum, ait Isaias cap. 5 v.20. *Quæ autem conven-*

tio Christi ad Belial, aut quæ pars fidei cum infidei, clamat S. Paulus. 2. Cor. 6 v. 15: ut honestate, libertate, defensione, perpetuitate pares habeantur, aut fiant?

RATIO III.

PAX ejusmodi est causa perditionis animarum.

Duplici hoc quoque ratione ostendimus. Primo ex coope-
ratione cum hæresi. RAT. I demonstrata. Cum enim ea funda-
mentum salutis, fidem nempe evertat, quisquis huic malo coo-
peratur, perditionis animarum se reum facit. Elucet verò coo-
peratio in his maxime:

I. PAX Religionis art. i. Principibus qui tum defecerant, potestatem dedit hæresin in suis ditionibus stabiliendi, & Catholicam Religionem funditus evertendi. Adeoque miseros illos populos diabolo in perpetuum veluti oppignoravit, ut reliqui Germani in vera fide manerent. Contra morem divinæ bonitatis & justitiae, quæ ut alios servet, aliis viam salutis non claudit.

II. Eadem PAX Principibus Secularibus, non solum imposterum quoque concedit potestatem deficiendi, sed subditos etiam reformandi; uti art. i & ii colligitur, & Imperii Pra-
xis confirmat. Subjacent igitur animæ quoq; subditorum arbitrio Principum Germanorum; frustra clamante Deo Ezech. 18 v. *Ecce omnes animæ meæ sunt.* Tradit enim illas PAX Religionis Principibus eadem ratione seducendas, qua Pilatus metu sui periculi pereulsus, Christum tradidit Judæis crucifigendum, Joan. 19 v. 16. Aut ergo Pilatum absolve aut hanc Pacem damna.

III. Subditis imponitur necessitas aut hæresis amplectendæ, aut injustæ emigrationis, art. ii. Ut enim emigratio Catholicis inter Catholicos est illecebra Apostasiæ, propter amicam carni novi Evangelii libertatem: ita isdem inter hæreticos est lex exilii, ipsisque hæreticis remora conversionis. Innumeris, hisce